

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
**Odbor za ekonomsku i
razvojnu politiku, finansije i budžet**

Broj: 02/11-02-1228/23-2
Sarajevo, 07.04.2023. godine

**DOMU NARODA
PARLAMENTA FEDERACIJE BIH**

Na 1. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 04.04. i 06.04.2023. godine razmatrane su sljedeće tačke dnevnog reda:

- 1. Konstituisanje Odbora za ekonomsku i razvojnu politiku, finansije i budžet Doma naroda Parlamenta Federacije BiH,**
- 2. Zahtjev za ponovno razmatranje Prijedloga za ispravku „štamparskih“ grešaka u Budžetu Federacije BiH za 2023. godinu.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03, 21/09 i 24/20) Odbor za ekonomsku i razvojnu politiku, finansije i budžet podnosi Domu naroda sljedeći:

I Z V J E Š T A J

1. Konstituisanje Odbora za ekonomsku i razvojnu politiku, finansije i budžet Doma naroda Parlamenta Federacije BiH

Na 1. redovnoj sjednici održanoj 30.03.2023. godine, Dom naroda Parlamenta Federacije BiH je donio Odluku o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine.

U Odbor za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine, izabrani su:

za predsjednika
Amra Babić

za zamjenika predsjednika
Oliver Soldo

za članove:

1. Milan Ševo
2. Jelena Pekić
3. Zora Dujmović

4. Hikmet Hodžić
5. Fahrudin Čolaković
6. Tanja Šantić
7. Belma Kapo

2. Zahtjev za ponovno razmatranje Prijedloga za ispravku „štamparskih“ grešaka u Budžetu Federacije BiH za 2023. godinu

Predsjedavajući Doma naroda Parlamenta Federacije BiH je Odboru za ekonomsku i razvojnu politiku, finansije i budžet uputio akt Federalnog ministarstva finansija pod nazivom Zahtjev za ponovno razmatranje Prijedloga za ispravku „štamparskih“ grešaka u Budžetu Federacije BiH za 2023. godinu na razmatranje i davanje preporuke. Pomenuti akt je upućen zbog nemogućnosti izvršavanja pojedinih rashoda koji su planirani u Budžetu Federacije BiH za 2023. godinu na osnovu usvojenih amandmana, koji su kao takvi postali sastavni dio Budžeta Federacije BiH za 2023. godinu i Zakona o izvršenju Budžeta Federacije BiH za 2023. godinu.

Osim toga, Odboru je dostavljen i dopis Federalnog ministarstva finansija upućen sekretarima oba doma Parlamenta Federacije BiH pod nazivom Prijedlog za ispravku „štamparskih“ grešaka u Budžetu Federacije BiH za 2023. godinu, kao i njihov odgovor u kojem se navodi da su prijedlozi za ispravke neosnovani.

Shodno svojim nadležnostima, članovi Odbora su razmotrili navedene akte te smatraju da se ne radi o štamparskim greškama u Budžetu Federacije BiH za 2023. godinu u smislu poslovnčkih odredbi oba doma Parlamenta Federacije BiH, te da su prijedlozi za ispravke neosnovani. Kako bi se prevazišli problemi nastali zbog nemogućnosti izvršavanja pojedinih rashoda, Odbor predlaže Domu naroda sljedeći:

ZAKLJUČAK

Zadužuje se Vlada Federacije Bosne i Hercegovine da u što kraćem roku u parlamentarnu proceduru dostavi Prijedlog izmjena Budžeta Federacije Bosne i Hercegovine za 2023. godinu.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određena je Amra Babić, predsjednica Odbora.

Predsjednica Odbora

Amra Babić, s.r.